

儀禮

冊七

八

卷八

卷八

卷八

卷八

卷八

卷八

卷八

卷八

儀禮卷十四

漢大司農北海鄭 立註

明 後學東吳葛 鼐訂

士虞禮第十四

士虞禮

特豕饋食

饋猶歸也

側亨于廟門外之右東面

側亨。亨一胖也。亨於爨用鑊。不於門東。未可以吉也。是日也。以虞易奠祔。而以吉祭。易喪祭。鬼神所

在則曰廟。尊言之。○亨。普庚反。劉虛兩反。胖。音判。鑊。戶郭反。

魚腊爨亞之北上。

爨竈

饔饔在東壁西面。

炊黍稷曰饔。饔饔北。上上齊于屋宇。於虞有亨饔之爨。彌吉。○饔尺志反。

設洗于西階西南。水在洗西。篚在東。

反吉也。亦當西。榮南北以堂深。

奠于室中北墉下當戶。兩甌醴酒。酒在東。無禁。冪用

絺布。加勺南枋。

酒在東上。醴也。絺布。葛屬。○冪亡狄反。

素几。葦席在西序下。

有凡始鬼神也。

苴刈茅長五寸束之實于筐饌于西坵上。

苴猶藉也。刈七本反。

饌兩豆菹醢于西楹之東醢在西一鉶亞之。

醢在西。南面取之。得左取菹。右取醢。便其設之。

從獻豆兩亞之。四簋亞之。北上。

豆從主人獻祝。簋從主婦獻尸。祝北上。菹與棗不東。陳別於正。

饌黍稷二敦于階間。西上。藉用葦席。

藉猶薦也。古文藉爲席。○敦音對。劉又都愛反。後放此。

匱水錯于槃中南流在西階之南。簞布在其東。

流匱吐水口也。○錯七故反。簞音丹。

陳三鼎于門外之右。北面北上設局鼎。

也。門外之右。門西也。今文局爲鉉。

七俎在西塾之西。

不饌於塾上。統於鼎也。塾有西者是室南鄉。

羞燔俎在內西塾上南順。

南順於南面取縮執之便也。肝俎在燔東。

主人及兄弟如葬服。賓執事者如弔服。皆卽位于門外。如朝夕臨位。婦人及內兄弟服。卽位于堂。亦如之。

葬服者。旣夕曰。丈夫鬢散帶垂也。賓執事者。賓客來執事也。○臨力蔭反。下同。鬢側瓜反。

祝免澡葛經帶布席于室中東面右几降出及宗人
卽位于門西東面南上。

祝亦執事免者祭祀之禮祝所親也澡治也葛
以爲首經及帶接神宜變也然則士之屬官爲其
長弔服加麻矣至於既卒哭主人變
服則除右几於席近南也○免音問

宗人告有司具遂請拜賓如臨入門哭婦人哭

臨朝
哭

主人卽位于堂衆主人及兄弟賓卽位于西方如反
哭位。

既夕日乃反哭入則升自西階東面
衆主人堂下東面北上異於朝夕

祝入門左北面。

不與執事同位。接神尊也。

宗人西階前北面。

當詔主人及賓之事。

祝盥升。取苴降洗之。升入設于几東席上。東縮降洗。觶升止哭。

縮從也。古文縮爲。○從子容反。

主人倚杖入。祝從在左西面。

主人北旋倚杖西序。乃入。喪服小記曰。虞杖不入於室。祔杖不升於堂。然則練杖不入於門明矣。

贊薦菹醢醢在北。

主婦不薦齊斬之服。不執事也。曾子問曰。士祭不足。則取於兄弟大功以下者。

佐食及執事盥出舉長在左。

舉舉鼎也。長在左。在西方位也。凡事宗人詔之。

鼎入設于西階前東面北上。七俎從設左人抽局鼎。

七佐食及右人載。

載載於俎佐食載則亦在右矣。今文局爲鉉古文鼎爲密。

卒柝者逆退復位。

復賓位也。

俎入設于豆東魚亞之腊特。

亞次也。今文無之。

贊設二敦于俎南黍其東稷。

簋實尊
黍也

設一鉶于豆南

鉶菜羹也

佐食出立于戶西

饌已也今文無于戶西

贊者徹鼎

反于門外

祝酌醴命佐食啓會佐食許諾啓會郤于敦南復位

會合也謂敦蓋也復位出立
于戶西今文啓爲開

祝奠饌于鉶南復位

復位。復主。
人之左。

主人再拜稽首。祝饗。命佐食祭。

饗告神饗也。此祭祭於苴也。饗神辭記所謂哀子某哀顯相夙興夜處不寧下至適爾皇祖某甫饗。

是也。○相息亮反。

佐食許諾鉤袒。取黍稷祭于苴。三取膚祭。祭如初。祝取奠。解祭亦如之。不盡益反奠之。主人再拜稽首。

鉤袒如今擗衣也。苴所以藉祭也。孝子始將納尸以事其親。爲神疑於其位。設苴以定之耳。或曰苴尸。

主道也。則特牲少牢當有主象而無可乎。○擗音惠。

祝祝卒。主人拜如初。哭出復位。

祝祝者釋孝子祭辭。

祝迎尸。一人衰經奉篚哭從尸。

尸主也。孝子之祭。不見親之形象。公無所繫。立尸而主意焉。一人主。人兄弟。檀弓曰。既封。主人贈立尸。

祝宿虞尸。○奉芳勇反。

尸入門。丈夫踊。婦人踊。

踊不同。文者有先後也。尸入主。人不同。降者喪事主哀不主敬。

淳尸盥。宗人授巾。

淳沃也。沃尸盥者。賓執事者也。

尸及階。祝延尸。

延進也。告之以升。

尸升。宗人詔踊如初。

言詔踊如初則凡踊宗人詔之

尸入戶踊如初哭止

哭止尊尸

婦人入于房

辟執事者○辟音避

主人及祝拜妥尸尸拜遂坐

妥安坐也

從者錯篚于尸左席上立于其北

北席也

尸取奠左執之取菹孺于醢祭于豆間祝命佐食墮

祭。

下祭曰墮。墮之猶言墮下也。周禮曰：既祭則藏其墮。謂此也。今文墮爲緩。特牲少牢或爲羞。失古正矣。齊魯之間謂祭又爲墮。○搯人。悅反。墮許恚反。又相恚反。

佐食取黍稷肺祭授尸。尸祭之祭奠祝祝。主人拜如初。尸嘗醴奠之。

如初亦祝祝卒乃再拜稽首。

佐食舉肺脊授尸。尸受振祭。臠之。左手執之。

右手將有事也。尸食之時亦奠肺脊于豆。○臠才計反。

祝命佐食邇敦。佐食舉黍錯于席上。

邇近也。

尸祭鉶嘗鉶。

右手也。少牢曰：以柶祭羊。鉶，遂以祭豕。鉶，嘗羊。鉶。

泰羹。滫自門入，設于鉶南。載四豆，設于左。

博異味也。滫，肉汁也。載，切肉也。○滫，去及反。載，側吏反。

尸飯。播餘于筐。

不反。餘也。古者飯用手。吉時播餘于會。古文播爲半。○飯，扶晚反。

三飯。佐食舉幹。尸受振祭。濟之，實于筐。

舉氣。飯，間啗肉。安食。○啗，大敢反。

又三飯。舉脰。祭如初。佐食舉魚。腊實于筐。

又味。尸不受魚腊。以喪不備。○脰，音格。一音各。

又三飯舉肩祭如初。

後舉肩者
貴要成也

舉魚腊俎。俎釋三个。

釋猶遺也。遺之者。君子不盡人之歡。不竭人之忠。猶枚也。今俗或名枚曰個。音相近。此腊亦七體。

如其
牲也

尸卒食。佐食受肺脊。實于筐。反黍如初設。

九飯而已。士禮也。筐猶吉。祭之有肝俎。○肝音祈。

主人洗廢爵。酌酒醑尸。尸拜受爵。主人北面答拜。尸

祭酒嘗之。

爵無足曰廢爵。酌安食也。主人北面以醑酢。變吉也。凡異者皆變吉。古文醑作酌。○醑以刃反。

賓長以肝從實于俎。縮右鹽。

縮從也。從實肝炙於俎也。喪祭進祗右鹽併也。○炙北便尸取之也。縮執俎言右鹽則肝鹽併也。

丁之夜反祗計反

尸左執爵。右取肝濡鹽振祭。濟之。加于俎。賓降反俎于西塾復位。

取肝右手也。加于俎從其牲體也。以喪不忘於味。

尸卒爵。祝受不相爵。主人拜。尸答拜。

不相爵。喪祭於禮略相爵者。特牲曰送爵。皇尸卒爵。

祝酌授尸。尸以醋主人。主人拜受爵。尸答拜。

醋報○醋才各反本亦作酢